

## Chindervärsli

# «Zwärge»

Das Zwärgli geht go Holz versorge.  
Das Zwärgli chocht en guete Zmorge.  
Das Zwärgli weiss öppis Luschtig's  
z'verzelle  
alli Zwärgli händ zuelose welle.  
Das Zwärgli tuet feini Weggli bache,  
dass alli Zwärgli möged lache.



s'Rumpelstilzli, das Zwärgli  
tanzet hinderem Bärgli,  
tanzet hinderem Mürl  
um es luschtigs Fürli.  
s'Fürli brännt em s'Bärtli a  
piff, paff, puff und du chasch ga.

Da chunnt es  
Zi-Za-Zipfelzwärgli,  
mit eme  
Zi-Za-Zipfelchäppli  
und eme  
Zi-Za-Zipfelbärtli.  
Es geht ufs  
Zi-Za-Zipfelbärgli  
zu de zäh andere  
Zi-Za-Zipfelzwärgli.

### Zwärgevärs :



Los, was chlichet da übere Bärg?  
Es isch dr Gumpeli dr Zwärg.  
Hinderem Dornbusch blibt er stah,  
das er chly verschmufe cha.  
Lüpft dr Sack und läärt ne us,  
gheie schöni Steine drus.  
-Merkt er aber, dass du gügglisch  
heimlech luegsch dur d'Büschli,  
treit er scheldinigscht d'Edelstei,  
Gold und silbes wides hei.  
Und du suechsch vergäbe no im Sand  
nach emene köschtleche Diamant.

### D Zwergli

Es zwischplet und zwaschplet  
und raschlet im Gstüüd,  
es gischplet und gaschplet  
und doch geht me nüt.

Es trippet und trapplet,  
ganz fyn und ganz lys  
und flüschteret heimli -  
sinds ächt öppe Müüs?

Jää nei, es sind Zwergli,  
die woned im Wald,  
i Höhle und Spälte,  
si sind scho steialt.

Spiel- und  
Waldspielgruppe

